


貳臣傳 三下

漢書門

漢書門		三		三	
內閣文庫		番號		漢 2304	
		冊數		20 ( 6 )	
		函號		290 42	







太宗復予大壽及副將何可剛張存仁

凌草文

輸田委桂還言爾等恐我殺降故招之不  
從共我國用兵宜誅者誅宜宥者宥既寬  
宥者悉加恩養爾等豈未之聞也我非不  
能攻取不能久駐但思山海關以東智勇  
之士盡在此城若殺爾等於我何益何如  
與眾將軍共圖大業故以肝膈之言屢屢

威臣傳



夏目傳 卷三 三三  
相勸意者爾等不願與我共事故出此支  
飾之言耶倘實欲共事可遣人來共莅盟  
誓既盟之後復食其言獨不畏

天地乎幸勿遲疑先是八月丁未大兵圍  
城至是十月乙丑幾八十日矣所獲小凌  
河至松山一路牲畜甚多又攻降魚子嶂  
臺所遺糧糗充積足供圍城步騎一月之  
需壕壘修築益堅大壽謀突圍出則防守

嚴密一人不能逸援兵自外至者又皆敗  
遁計無所出

太宗復遣陣獲叅將姜新往招之大壽率  
眾官出城與揖見乃令遊擊韓棟隨姜新  
同詣

御營朝見韓棟以軍容整暇防衛嚴密還  
白大壽大壽令其從子祖澤潤以書繫矢  
射出城復以其義子祖可法送大軍爲質



邀副將石廷柱過壕親告以心腹語廷柱  
過壕與語大壽曰人生豈有不死之理但  
爲國爲家爲身三者並重今既不能盡忠  
報國惟惜身命耳若身雖獲全妻子不能  
相見生亦何益  
上果能不回軍進圖大事當設策先取錦  
州錦州得庶可保吾妻子石廷柱還奏  
上復遣同巴克什達海往

諭曰我既招降爾等復攻錦州恐我兵過  
勞爾等降後錦州或以力攻或以計取任  
爾等爲之不然爾等坐守城中我惟有駐  
兵圍困而已明日大壽令其中軍施大勇  
至代奏言降志已決欲令一人潛入錦州  
偵視倘被詰出虛寔奈何或親率兵詐作  
逃走之狀何如悉惟

上裁是時城中各官皆同謀歸降獨何可



剛不從大壽命二人掖出城外殺于大軍  
 前遂遣副將四遊擊二賈誓書列大壽及  
 副將劉天祿張存仁祖澤潤祖澤洪祖可  
 法曹恭誠韓大勳孫定遼裴國珍陳邦選  
 李雲鄧長春劉毓英竇承武叅將吳良輔  
 高光輝劉士英盛忠祖澤遠胡宏先遊擊  
 祖邦武施大勇夏得勝李一忠劉良臣張  
 可範蕭永祚韓棟段學孔張濂吳奉成方

一元涂應乾陳變武方獻可劉武元楊名  
 世三十餘人名言率眾歸降後若違心背  
 盟則殃在其身死于刀箭之下

太宗率諸貝勒蒞盟

命巴克什庫爾禪龍什問大壽曰既經盟  
 誓

天地當用何策以取錦州大壽曰我即親  
 至密議

太宗復遣二臣

諭曰盟誓雖申民心未定今晚且勿來大壽曰事已定更何疑遂親詣

御營是爲

本朝天聰五年十月戊辰也

上命諸貝勒迎之一里外時初更將盡列炬以俟

上出幄大壽欲跪

上止之行抱見禮既入幄

命坐于左設饌以金卮酌酒

親授飲大壽曰願借酒奉獻遂酌酒跪獻上飲畢與語良久以

御用之黑狐帽貂裘及金飾鞞帶等物賜之

諭曰因在戎行携物無多不能以嘉物相贈大壽曰蒙

武臣傳

卷三

三



上優待如此臣雖至愚豈木石耶遂辭入  
城明日

上用大壽策

命貝勒等率八旗諸將及兵四千人俱作  
漢裝大壽率所屬三百五十人以二更起  
行趨錦州礮聲不絕爲大凌河城中人突  
圍奔還狀會大霧人覲面不相識軍皆失  
隊伍因收兵而還十一月庚午朔

諭諸貝勒曰朕思與其留大壽于我國不  
如縱入錦州令其獻城爲我効力即彼叛  
而不來亦非我意料不及而誤遣也彼一  
身耳叛亦聽之若不縱之使往倘明國別  
令人據守錦州則事有難圖矣今縱還大  
壽一人而携其子姪及諸將士以歸厚加  
恩養再圖進取庶幾有濟乃遣人傳  
諭詢大壽曰今令爾至錦州以何許入城



既入城又以何策成事大壽對曰我但云  
昨夜遣出逃避入山今徒步而歸來錦州  
軍民俱我所屬未有不信者如聞礮則知  
我已入城再聞礮則事已成

上可以兵來矣遂以其從子澤遠及廝卒  
二十餘自隨既渡小凌河舍騎步行遇錦  
州謀卒偕入城越二日遣人至大凌河語  
其所屬諸將曰錦州兵甚衆將從容圖之

爾諸將家屬已潛使人贍養後會有期倘  
有畏言即遣人來無妨也于是

上將旋師

賜敕大壽令毋忘前約大壽復遣人齎奏  
至言期約之事常識于心因衆意懷疑難  
以驟舉望

皇上矜恤歸順士卒善加撫養衆心既服  
大事易成至我子姪尤望



垂盼

上命于大凌河城携大壽從子澤洪等及諸將以還

優賚田宅服物器用降兵萬餘咸分隸安業大壽初還錦州自言突圍出明巡撫邱禾嘉信之旋知其已納款以疏聞莊烈帝欲羈縻大壽勿罪也惟以蒙古將桑噶爾寨等赴援不力戰敗先遁密令大壽殲之

事洩桑噶爾寨率眾蒙古環甲三晝夜欲執大壽來歸

本朝大壽慰之曰我視爾如兄弟爾安得若此桑噶爾寨曰聞欲盡殺我爾圖自救耳大壽曰殺我自必及爾殺爾自必及我與之盟誓而定敕使至自京師召之者三大壽語錦州將士曰我雖竭力爲國其如不信我何終弗往越二年



上遣都統阿山等畧錦州

賜之書不報明年豫親王多鐸等征錦州  
大壽自勒步騎出城五里立營令松山城  
守副將劉成功等以兵三千迎戰至大凌  
河西與我先鋒軍遇未即戰豫親王率兵  
自山西下軍容甚整塵起蔽天明兵不辨  
我軍多寡大驚奔潰我軍分路追擊擒遊  
擊曹得功及守備三人殲其兵五百獲馬

及甲冑無算大壽竄入城崇德元年

上授大凌河降將世職澤潤三等子澤洪  
可法一等男皆任叅政二年以蒙古輸誠  
朝鮮底定廓清皮島諸捷音

敕示大壽使密陳證明之策大壽又不報  
三年移駐中後所邀阻征山海關大軍互  
有殺傷

上親臨以



勅諭之曰數載相別朕謂將軍猶在錦州  
欲一晤而旋不意將軍乃駐此城出城一  
見是所願也至去留之計惟將軍是聽朕  
終不相強若曩則來而釋之今乃誘而留  
之何以取信于天下乎將軍雖屢與我軍  
相角爲將之道固所宜然朕絕不以此介  
意毋因此而見疑尋

命移師攻其兵之列營城外者至則大壽

已收兵入城矣乃遣俘獲人賈

勅再往言曩者大凌河釋汝朕之諸臣每  
謂朕昧于知人今將軍甚宜出城相見若  
懷疑懼則朕與將軍可各携親信一二人  
於中途面語蓋朕之欲相見者一以解朕  
昧于知人之嘲再則使將軍子姪及大凌  
河各官皆謂將軍之能踐言也大壽終不  
敢出我軍攻克旁近諸堡大俘獲而還四



年二月

上統師圍松山分兵攻連山塔山杏山守  
杏山城者大壽從子澤遠也大壽令部將  
三人率兵九百援之將入城我前鋒軍躡  
擊俘百人斬五十人獲船一甲四十先是  
睿親王多爾袞等征明入長城薄京師趨  
山東明人大驚調大壽兵入援使者數至  
大壽甫行聞我軍圍松山仍還守寧遠

上命大學士希福等賫

敕至錦州開陳利害

諭大壽妻令其審時度勢導大壽來降毋  
執迷以及于禍大壽于寧遠莊選壯士良  
馬約六百餘令副將楊震祖克勇徐昌永  
等率之趨錦州經烏忻河口爲我分駐兵  
擊敗震就擒

上率四旗護軍馳至錦州拔其山寨搜勦

國史

卷三

三



敵衆陣斬昌永擒克勇斬級四百餘獲馬  
五百餘

上聞睿親王等凱旋乃班師大壽復還鎮  
錦州五年鄭親王濟爾哈朗率兵屯田義  
州有杏山城西五里駐牧之蒙古蘇班岱  
等願來歸王以兵迎護之大壽偵我兵寡  
令遊擊戴明引兵七百與駐守松山杏山  
之總兵吳三桂劉周智合兵七千邀我軍

我軍分隊衝擊大敗其衆斬副將二叅將  
一獲馬械甚多六年鄭親王等復圍錦州  
大壽令蒙古兵守城郭蒙古台吉諾木齊  
等謀歸我使齎降書者縋而下約獻東關  
已有期大壽覺欲擒衆蒙古日暮整兵至  
城郭諾木齊等迎戰聲聞城外我軍薄城  
下蒙古縋繩援以登合擊大壽退守內城  
其都司守備以下十餘員及戶口六千餘



俱來降八月明總督洪承疇聞大壽危困  
率兵十三萬赴援

上統師進擊屢敗之杏山塔山及高橋諸  
要隘留王貝勒等圍洪承疇于松山城七  
年二月城破擒洪承疇及大壽弟總兵大  
樂遊擊大名大成等並降之大壽方困守  
錦州一年外援盡絕糧竭食人戰守計窮  
聞松山城破大懼使人詣鄭親王軍得見

祖大樂即降鄭親王令使者見之大壽復  
使人請盟鄭親王怒曰我圍困此城旦夕  
可取有何顧慮乃與爾盟誓乎將攻之大  
壽乃遣澤遠及其中軍高勳引罪明日率  
眾詣軍營叩首獻城事

聞傳

諭凡大壽族屬部眾概勿殺

召大壽及諸降將



賜宴大壽跪奏曰臣昔困于大凌河計窮  
乞降蒙

恩遣還錦州取妻子兄弟皆來臣不惟負  
恩且屢與大軍對敵今以食盡來歸罪應  
萬死

上諭之曰爾之背我一爲爾主一爲妻子  
宗族耳得爾不加誅朕懷之已久此後竭  
力事朕則善矣

命分降衆隸漢軍八旗大壽遂入正黃旗  
仍官總兵

賜賚優渥降將顧用極奏曰大壽不得已  
而降其心變易不常恐仍效大凌河故轍  
都察院叅政張存仁亦言大壽悔盟負約  
勢窮來歸即欲生之待以不殺足矣宜勿  
任用

上以明總兵吳三桂等未附卒厚遇之十



月大壽奉

命致書招三桂等來降三桂大壽甥也答書不從是時貝勒阿巴泰等征明以明兵固守山海關外五城別由黃崖口入薊州越京師畧山東郡邑八年正月大壽奏言臣先執謬自辱其身深愧歸降之晚伏觀皇上寬仁神武一統之業朝夕可定以臣目擊機會先取山海關五城最爲上策明

文武官之能否與城之虛實兵之強弱臣所洞悉宜乘此時攻取中後所收吳三桂家屬彼必爲之心動其餘中右所中前所前屯衛一鼓可平也破山海更易于破寧遠山海軍士皆四方烏合之衆不諳陣戰絕其咽喉撤其藩籬海運不通長城不守彼京師難保三桂安能固守寧遠也是年六月大軍之征明山東者始凱旋十月鄭



親王率兵攻中後所前屯衛中前所取之  
明年

世祖章皇帝定鼎京師凡大壽子姪皆授  
顯爵順治十三年大壽病卒

命祭葬視一品大臣例以從子澤潤爲長  
子屢叙功遇

恩詔晉爵一等子加一雲騎尉官至都統  
次子澤溥官福建總督第三子澤滙官副

都統自有傳

吳汝玠列傳

吳汝玠遼東人明錦州遊擊

本朝崇德七年三月大軍取明錦州汝玠  
來歸授佐領隸廂紅旗漢軍十一月隨貝  
勒阿巴泰等征明由黃崖口長城入越京  
師趨山東敗明總兵張登科和應薦等八  
年隨鄭親王濟爾哈朗取明前屯衛中後

吳汝玠傳

卷三

吳



所二城有功尋授叅領順治元年隨都統  
葉臣等征山西時流賊李自成已遁入西  
安賊黨陳永福據太原抗我師汝玠攻克  
其城復隨英親王阿濟格征陝西進勦流  
賊至湖廣敗賊將馬進忠于武昌二年擢  
廂紅旗漢軍副都統三年叙功予雲騎尉  
世職復隨鄭親王豪格敗叛鎮賀珍武大  
定等于泰階二州五年改授禮部侍郎六

年

命以副都統駐防杭州時明魯王朱以海  
及其臣阮進張名振等踞舟山八年八月  
汝玠同總督陳錦都統劉之源提督田雄  
等分兵進勦由定閩出海汝玠同前隊舟  
師揚帆先發遇於橫洋奮勇邀擊官軍並  
進敗之擒阮進乘勝抵舟山汝玠率衆先  
登岸大兵繼之薄城堙鑿地道垣堞摧陷



海中名振勢蹙縱火自焚遂擁魯王遁九年海賊鄭成功遣其黨犯漳州汝玠奉詔率師至福建賊聞風毀橋列陣拒戰汝玠與平南將軍金礪擊敗之復遣步兵追擊破賊三千于海岸漳州圍解成功復驅象數萬結營海澄縣東汝玠同礪率兵進勦三戰三捷斬獲無算成功遁走十三年寧海大將軍伊爾德統師赴浙勦舟山餘孽令汝玠及總兵張杰分兵自溫台出海會勦過黎陽口遇艦三百餘力戰大敗之又擊之千宗門洋獲戰艦四生擒其將丁宏業論功並遇恩詔晉世職爲二等輕車都尉十四年十二月以老病致仕康熙十一年卒賜祭塋如例子國鼎先卒以其孫洪襲世職官至甘肅提督



王宏祚列傳

王宏祚雲南永昌人明舉人官戶部郎中  
督餉大同

本朝順治元年投誠授岢嵐兵備道宣太  
總督吳孳昌以宏祚籌畫軍餉協力奏留  
大同二年總督李鑑薦其堪任台省復授  
戶部郎中時中原甫定圖籍散佚部臣以  
宏祚諳習掌故奏令編訂賦役全書三年

加太僕寺少卿銜六年遷太僕寺卿仍兼  
戶部郎中十年擢戶部右侍郎是時雲南  
貴州未隸版圖而湖南辰州爲孫可望侵  
踞宏祚請於江南江西湖廣豐稔之域採  
糴米穀厚儲糧餉爲恢復辰州進圖黔滇  
之計又言明自洪武時以沐英鎮滇世襲  
黔國公迄今沐天波久爲滇省人民土司  
所信服其僚屬有間處江寧者宜令往滇



招天波爲內應貴州有九股黑苗自都勻  
黎平蔓延廣西慶遠湖南靖州近來爲孫  
可望等蹂躪亟宜加意撫綏俾傳諭諸土  
司歸化至其冠服異制當仍其俗使勿驟  
更易

上以所奏有資撫勦下經畧大學士洪承  
疇酌行十一年給事中郭一鶚劾宏祚修  
賦役全書逾久未成總理錢法巧增鑄爐

于宣大裁兵餉銀朦混浮消宏祚疏辯一  
鶚復劾其巧言飾非

詔部臣察議部臣以一鶚所劾各款不寔  
惟各省造冊遲延致稽成書宏祚不舉劾  
論罰俸尋轉左侍郎十二年疏言有司私  
派累民請嚴飭禁又將領借名冒餉請  
敕督撫嚴覈補其虛額汰其老弱革其侵  
剋俱下部議行十三年戶部援



恩詔赦免員外郎朱世德虧缺河西稅務  
銀部臣咸坐贍狗降章有差宏祚降三級  
留任十五年賦役全書成錄宏祚編輯勞  
還所降級是歲考滿加一級廕一子入監  
尋擢戶部尙書加太子少保

命同大學士巴哈納等核訂律例十六年  
諭獎勤勞奉職諸臣晉宏祚太子太保先  
是宏祚母遠在雲南音問阻絕至是大兵

平定雲南宏祚聞其父母俱病歿疏請回  
籍守制得

旨覽卿奏具悉至情但計務殷繁正資料  
理者在任守制不必回籍踰月復

諭以卽出供職十八年

聖祖仁皇帝御極宏祚乞假歸葬

詔允所請旋

諭吏部曰前以宏祚情詞懇切特准暫歸



今思部務殷繁宏祚才具敏練急需總理  
著事竣即還朝康熙三年六月補刑部尙  
書十一月復任戶部尙書六年充會試正  
考官是年七月內補政大臣鰲拜構陷戶  
部尙書蘇納海罪引其黨瑪爾賽代之與  
宏祚理部務輒離大學士班布爾善亦鰲  
拜黨也與瑪爾賽素相比七年四月戶部  
有失察書役假印庫銀事吏部議戶部諸

臣處分援

恩詔免班布爾善獨票擬宏祚草職遂罷  
任八年

上察知鰲拜瑪爾賽班布爾善等罪狀起  
宏祚爲兵部尙書九年以老乞休  
詔致仕乘駟歸里食原官俸十一年宏祚  
具疏辭俸

諭曰卿在官著有勞績引年乞休特賜祿



真自傳 卷三  
俸以資願養不必固辭十三年卒  
賜祭葬如例謚端簡

李化熙列傳

李化熙山東長山人明崇禎七年進士選  
湖州府推官丁憂服闋補河間府推官累  
遷天津兵備道擢四川巡撫方就道改調  
陝西會總督孫傳廷敗歿于潼關余應柱  
往代以逗遛奪職擢化熙兵部右侍郎總

督三邊時西安已失化熙不能行既而命  
率總兵高傑援山西未至而蒲州平陽相  
繼陷賊及李自成陷京師化熙率所部就  
食于家

本朝順治元年八月化熙遣遊擊吳伸上  
疏歸誠并題明所部兵馬數目及地方土  
寇情形

詔入朝而天津總督駱養性亦荐其才乞



賈臣傳 卷三  
賜徵用九月授工部右侍郎十月化熙疏  
薦明副都御史賈毓祥太僕少卿劉徽尸  
部侍郎宋之普給事中韓源等得

旨著吏部確核才品酌量起用二年四月  
轉左四年四月兼兵部侍郎六年十月加  
右都御史銜八年八月晉太子太保九年  
十月擢刑部尚書十年四月條奏慎刑五  
事一恤刑之道宜速查會典每年秋審外

五年又一大審謂之恤刑在京刑部會三  
法司審錄在外遣刑部大理寺官分行直  
省會巡按御史審錄其矜疑遣釋之數恒  
倍于秋審前經臣部題請奉

旨以順治八年爲始五年一遣但現在直  
省刑獄難保無冤如必待順治十二年再  
遣轉恐不得同戴泣罪解網之

恩請自今年爲始即遣廉幹官員分行直



省照例矜恤一死刑之等宜別查律載死刑分立決監候二等斬立決者以待謀反大逆強盜等其餘斬絞俱監候今在外所擬死刑先下臣部核奏巡按御史再行親審始奏處決而在內死刑一概立決是內外異法也臣愚以爲一切死刑宜悉遵律例分別兩等以昭畫一一秋決之規宜復查會典每歲行刑必俟霜降後所以順天

時重人命也誠復監候之例則獄中積死刑漸多又宜照審錄舊典于每歲霜降後具題請

旨將現監重囚命九卿科道官會同審錄情真罪當者具奏處決其可矜疑及詞不服者另請詳審庶無冤濫一秋審之令宜著查會典小滿後三法司會審現監罪囚答罪釋放徒流以下減等重囚可矜疑者



奏請定奪蓋以夏暑恐獄囚非辜瘵死故  
急爲決遣或令出獄聽候臣謂宜著之令  
典歲一舉行一罪人迺兩次者絞例人命  
至重此輩法固難宥情猶可矜請再寬一  
次經三次立付纆刑疏入下部議行惟恤  
刑仍遵前

旨五月疏言舊例臣部專管覆奏科抄及  
御前發審重事即在內五城各衙門必重  
犯始送刑部在外道府州縣小事無須徑  
達乃今科抄歲不下千餘件俱須核擬題  
奏及奏奉

諭旨後又有滿漢各衙門應行咨文及登  
記檔案等事是一事而更端再四矣至下  
三法司者較此又多一番關會招內或未  
明晰複駁查不已徒成複滯近復以投旂  
人役專聽臣部歸結其中拿解窩隱居半



再如

御狀通狀滿洲木牌應行詳審及各衙門  
未經奉

旨事件徑送臣部頭緒不清持日易滯竊  
以爲旂下重事既悉歸臣部審理其小事  
在內宜責成五城御史在外宜責成督撫  
巡按至掣解逃人更繁尤須有專董之官  
大理寺專簡請

敕令料理他如土賊應歸兵部田土戶口  
應歸戶部庶臣部得循分盡職一清積案  
部議均如所請尋大理寺卿魏瑄奏掣解  
逃人事大理寺無番兵捕役難以專董復  
下部議增設督捕侍郎詳魏瑄傳化熙以  
母老乞終養

允之并令馳駟還里康熙八年卒  
賜祭葬如例



任濬列傳

任濬山東益都人明崇禎四年進士累官  
兵部右侍郎兼右僉都御史流賊李自成  
陷京師濬被執不屈賊釋之  
本朝順治元年以兵部左侍郎劉餘佑荐  
授戶部右侍郎督理錢法事務二年乞假  
省親八年丁憂服闋補原官尋授倉場侍  
郎加右都御史

為幸通州

賜貂裘等物十一年刑科給事中陳忠靖  
劾濬不能禁葦陋規有負簡任濬回奏部  
議免罪遷刑部尚書十年正月疏言律多  
不備例出隨時添註殊欠折衷又八旂事  
多用靠例如律殺人者抵而例有義憤自  
首滅死之條給主埋葬而例有賄人之條  
盜賊未獲贖而例有追產賠主之條律有



五刑而例自大辟以下皆止鞭一百如此類頗多律例不符滿漢互異乞

皇上敕滿漢堂官專領其事慎選司員一

一商確疑難者請

旨裁定靠例可更者一準於律不可更者即載入律條著爲令又大辟有立決監候兩等按律所謂決不待時謂不待秋決非謂招成不待覆奏即處決也查會典凡在

外絞斬凌遲監候者依期俱差官審決如有決不待時重囚詳議具奏即差官前去審決蓋恐立決中萬有疑情可臨時三覆詳慎人命嗣後凡奉

旨依擬立決在內者三法司仍詳審覆奏行刑在外者宜復差官審決例庶無寬濫下部議行二月以老致仕十三年卒

賜祭葬如例

欽定

卷三

七



衛周允列傳

衛周允山西曲沃人明崇禎七年進士初任浙江金華府推官行取授四川道監察御史

本朝順治元年五月大兵定燕京授周允原官巡按真定順德廣平大名四府九月疏荐明吏部尚書傅永淳湖廣巡撫王夢尹等均下部錄用時畿南州縣正官多缺

周允請于現任教職佐貳及原任知縣中選補又請急推巡撫以資彈壓選道府以重地方得

旨畿南重地巡撫豈宜久待速推舉用道府州縣需官甚多照缺悉與選補又奉

旨察叙三閔總兵郝之潤功周允以之潤原明真定副將因流賊勢盛走倒馬關非有三閔責亦無總兵銜李自成竄出固關



非由倒馬關而之潤自以恢復岩關叙功  
所叙人皆非地方所職所加銜又皆由已  
立名且肆掠不法無功可叙奏入下部知  
之十二月疏言臣巡各處地畝荒蕪百姓  
流亡十居六七若照舊額責征是令現在  
之丁代逃亡者重出懇熟之地爲荒蕪者  
包賠也臣以爲欲清荒田法在丈量欲清  
丁糧法在編審徹底清查錢糧自有實數

官吏無蒙蔽百姓免代賠矣又言順德府  
扇邢台南和鉅鹿三縣連遭兵火田畝更  
荒請照

恩詔蠲免例全免三縣錢糧從之二年五  
月山西孟縣土寇崔思亨韓嗣昌等倡亂  
蔓延直隸平山縣周允檄井陘道邱茂華  
發兵勦捕並請

勅山西巡撫督兵會勦六月疏薦明通政



司叅議劉尙信副使成仲龍申爲憲郎中  
闕禧等閏六月疏言內邱邯鄲兩縣荒蕪  
實甚請照沙河唐山例全蠲元年錢糧七  
另疏言真定滹沱河陡逼南閔廣平漳滏  
二河壞城垣順德府城深州城內邱隆平  
邯鄲武強各縣城俱衝塌鉅鹿永平任曲  
周寧晉唐山各縣田俱沒請  
恩蠲租賦九月疏言畿輔守城兵因賊已

平盡裁汰今荒旱水滂盜賊漸生請酌復  
又言去冬州縣因辦兵差派民供草豆即  
抵應完錢糧至今未消算又據詳辦草豆  
數已多于應解錢糧宜畫一以免浮增有  
司陞遷不常誰肯實心任事宜議定規則  
以免凌躐真定駐兵六千未必俱實每名  
日給銀三分餬口不足請裁虛糧加給現  
在兵諸疏入俱議行十月差滿回京掌河



南道事三年遷大理寺寺丞五年八月遷  
本寺少卿十一月丁母憂歸九年服闋補  
原官十年二月擢工部右侍郎四月調兵  
部右侍郎七月

詔陳時事五款一省郡鎮將弁肆恣甚有  
縱兵嚇詐貽害者請

敕各督撫嚴明紀律有寇賊竊發不即督  
兵拏勦及擾掠堡寨者叅究一招撫原爲  
止殺安置豈宜養癰直省有未撫寇黨照  
秦督孟喬芳安置張登李雲例不得假以  
官銜致生事一隱匿逃人例當分明如自  
盛京隨來者曰東人自順治元年至今投  
充者曰旗下人本自有辨匿旗人與匿東  
人當有別又逃人隱匿出京與在京紳士  
誤犯與平民犯者均當有別一武職原不  
許涉詞訟近許人誣良爲盜武弁濫准鎖



拿有司無可如何宜禁止一駟遞積弊日  
深馬有額設民甚多賠貼牛並無額設每  
兵差經過用車若干官吏出票濫派分肥  
牛瘦牛上車下車名色索費民廢耕種重  
滋賠累無從控訴宜禁草俱下部議行十  
月因議總兵任珍罪狗黨附和部議革職  
特旨量予罰俸十一年八月因議雲騎尉  
呂猷忠婪贓一案援

赦具奏

上以兵部堂司官顯有受賄情弊下諸王  
大臣議分別降革周允降三級調外用未  
補官以疾歸十七年卒康熙十二年入祀  
鄉賢祠

貳臣傳卷三終



內閣文庫			
二九	二三		漢
函			
三	二〇	四	書
架	冊	號	類